



Komisija za boračka pitanja

Broj: 01-04-75/25

Sarajevo, 25.03.2025. godine

POSLANICIMA/ZASTUPNICIMA U SKUPŠTINI
KANTONA SARAJEVO

VLADA KANTONA SARAJEVO

Komisija za boračka pitanja Skupštine Kantona Sarajevo na sjednici, održanoj dana 25.03.2025. godine, u skladu sa nadležnostima utvrđenim Poslovníkom Skupštine Kantona Sarajevo, a u funkciji pripreme 21. Radne sjednice Skupštine Kantona Sarajevo razmatrala je materijale, koji su predloženi za dnevni red ove sjednice Skupštine i u skladu sa članom 27. Poslovnika Skupštine Kantona Sarajevo, podnosi Skupštini

I Z V J E Š T A J

1. Prijedlog Budžeta Kantona Sarajevo za 2025.godinu

*Komisija za boračka pitanja je razmatrala Prijedlog Budžeta Kantona Sarajevo za 2025.godinu i iste je **jednoglasno podržala** (4 glasa „za“), uz sljedeće Zaključke:*

- a. „Komisija smatra da u načelu treba podržati Budžet Kantona Sarajevo kako bi se mogla nastaviti realizacija započetih aktivnosti iz resora Ministarstva za boračka pitanja, što je propisano Zakonom o dopunskim pravima boraca-branitelja; rješavanje stambenog pitanja boračke populacije – kupovina stanova za porodice šehida i poginulih i RVI, liječenje, banjsko lijeće, egzistencijalna naknada za demobilisane borce, itd..
Međutim, Komisija ne prihvata smanjenje dijela Budžeta za Ministarstvo za boračka pitanja, i izražava žaljenje što se obim dostignutih prava boračke populacije neće moći ispuniti na nivou izvršenja Budžeta za 2024. godinu“.
- b. „Moralna obaveza Vlade i Skupštine Kantona Sarajevo je da u svakom segmentu zaštite dostignuta prava boračke populacije u Kantonu Sarajevo“.

2. Prijedlog Zakona o izvršavanju Budžeta Kantona Sarajevo za 2025.godinu,

*Komisija za boračka pitanja razmatrala je Prijedlog Zakona o izvršavanju Budžeta Kantona Sarajevo za 2025.godinu, i isti je **podržala** (4 glasa „za“), uz prethodno donesene zaključke.*

3. Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine – skraćeni postupak,

*Komisija za boračka pitanja razmatrala je Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine koji je predloženom po skraćenom postupku i isti je **jednoglasno podržala** (4 „za“), uz Zaključak:*

„Komisija shvata da se Zakon o dopunskim pravima mora i treba uskladiti sa federalnim zakonom, kako bi svi borci na cijeloj teritoriji F BiH imali jednaka prava, ali usklađivanjem tog zakonskog osnova, ni u kom slučaju se ne smiju umanjivati dostignuta prava boračke populacije u Kantonu Sarajevo“.

ZAMJENIK
PREDSJEDAVAJUĆEG KOMISIJE
Jasmin Saljić

